

## გადაწყვეტილება

N გ-25-18/460  
04/09/2025

460-გ-25-1-4-202509041509



**ინდ. მეწარმე „ავთანდილ ეგუტიძისთვის“ ადმინისტრაციული პასუხისმგებლობის დაკისრების  
თაობაზე**

**ავტორიზებული პირი:** ინდ. მეწარმე „ავთანდილ ეგუტიძე“

**სამართალდარღვევა:** „ელექტრონული კომუნიკაციების შესახებ“ საქართველოს კანონის მე-12 მუხლის მე-4 პუნქტის, მე-19 მუხლის მე-2 პუნქტის „ბ“ ქვეპუნქტის, „საქართველოს კომუნიკაციების ეროვნული კომისიის 2011 წლის N144/22 გადაწყვეტილების ნაწილობრივ ძალადაკარგულად ცნობისა და სტატისტიკური ანგარიშგების ფორმების დამტკიცების შესახებ“ საქართველოს კომუნიკაციების ეროვნული კომისიის 2016 წლის 11 თებერვლის N95/19 გადაწყვეტილებისა და „რეგულირების საფასურის განსაზღვრისა და გადახდის წესის შესახებ“ საქართველოს კომუნიკაციების ეროვნული კომისიის 2005 წლის 28 ოქტომბრის N12 დადგენილების დარღვევა

**წარმოების დაწყების საფუძველი:** საქართველოს კომუნიკაციების ეროვნული კომისიის აპარატის ადმინისტრაციის მოხსენებითი (N 25-10-1683; 01.08.2025) და სამსახურებრივი (N 25-10-1886; 01.09.2025) ბარათები თანდართული დოკუმენტაციით

**კომისიის სხდომის თარიღი:** 2025 წლის 4 სექტემბერი

### I. აღწერილობითი ნაწილი

1. საქართველოს კომუნიკაციების ეროვნული კომისიის (შემდგომში - კომისია) აპარატის ადმინისტრაციის მოხსენებითი (N 25-10-1683; 01.08.2025) და სამსახურებრივი (N 25-10-1886; 01.09.2025) ბარათების საფუძველზე, „საქართველოს კომუნიკაციების ეროვნული კომისიის საქმიანობის მარეგულირებელი წესების“ 36-ე მუხლის მე-14 პუნქტის შესაბამისად, კომისიაში დაიწყო მარტივი ადმინისტრაციული წარმოება ინდ. მეწარმე „ავთანდილ ეგუტიძისთვის“ ადმინისტრაციული პასუხისმგებლობის დაკისრების თაობაზე მის მიერ საქართველოს კანონმდებლობის შესაძლო დარღვევის გამო.
2. მოხსენებითი ბარათიდან (N 25-10-1683; 01.08.2025) ირკვევა, რომ ინდ. მეწარმე „ავთანდილ ეგუტიძისთვის“ კომისიაში არ წარმოუდგენია 2025 წლის აპრილის, მაისისა და ივნისის თვეების რეგულირების საფასურის გაანგარიშგების 1.9 ფორმა და ამავე თვეების სტატისტიკური ანგარიშგების შემდეგი ფორმები: ფორმა 1.1 - შემოსავლების თაობაზე, ფორმა 4.1 - მონაცემთა გადაცემა/ინტერნეტი, ფორმა 4.2 - მონაცემთა გადაცემა/ინტერნეტი - აბონენტები კვარტალში (2025 წლის II კვარტალი), ფორმა 5.4 - საბითუმო ინტერნეტის შესყიდვა/გაყიდვა.

3. სამსახურებრივი ბარათიდან (N 25-10-1886; 01.09.2025) ირკვევა, რომ ინდ. მეწარმე „ავთანდილ ეგუტიძე“ კანონმდებლობით დადგენილი ვადის დარღვევით კომისიაში წარმოადგინა 2025 წლის აპრილის, მაისისა და ივნისის თვეების რეგულირების საფასურის გაანგარიშების 1.9 ფორმა. ასევე, ამავე სამსახურებრივი ბარათიდან დგინდება, რომ ინდ. მეწარმე „ავთანდილ ეგუტიძე“ კომისიაში არ წარმოუდგინა 2025 წლის აპრილის, მაისის, ივნისისა და ივლისის თვეების სტატისტიკური ანგარიშგების შემდეგი ფორმები: ფორმა 1.1 - შემოსავლების თაობაზე, ფორმა 4.1 - მონაცემთა გადაცემა/ინტერნეტი, ფორმა 4.2 - მონაცემთა გადაცემა/ინტერნეტი - აბონენტები კვარტალში (2025 წლის II კვარტალი), ფორმა 5.4 - საბითუმო ინტერნეტის შესყიდვა/გაყიდვა.
4. სამსახურებრივი ბარათიდან (N 25-10-1937; 04.09.2025) დგინდება, რომ ინდ. მეწარმე „ავთანდილ ეგუტიძე“ გადაწყვეტილების მიღების დღისთვის კომისიაში წარმოსადგენი ჰქონდა 2025 წლის აპრილის, მაისის, ივნისისა და ივლისის თვეების სტატისტიკური ანგარიშგების შემდეგი ფორმები: ფორმა 4.1 - მონაცემთა გადაცემა/ინტერნეტი, ფორმა 4.2 - მონაცემთა გადაცემა/ინტერნეტი - აბონენტები კვარტალში (2025 წლის II კვარტალი), ფორმა 5.4 - საბითუმო ინტერნეტის შესყიდვა/გაყიდვა.
5. ინდ. მეწარმე „ავთანდილ ეგუტიძისთვის“ ადმინისტრაციული პასუხისმგებლობის დაკისრების თაობაზე საკითხის განხილვა დაინიშნა 2025 წლის 4 სექტემბერს, 15:00 საათზე, რის შესახებაც ინდ. მეწარმე „ავთანდილ ეგუტიძე“ ეცნობა წერილობითი შეტყობინებით (N გ-25-03/2098; 02/09/2025) და მოწვეულ იქნა ადმინისტრაციულ წარმოებაში მონაწილეობის მისაღებად. კომპანიას, ასევე განემართა საქართველოს ზოგადი ადმინისტრაციული კოდექსის 98-ე და 99-ე მუხლებით გათვალისწინებული მტკიცებულებებისა და შუამდგომლობების წარმოდგენის, აგრეთვე საქმის გარემოებათა გამოკვლევისა და ადმინისტრაციული წარმოების მასალების გამოთხოვის უფლების თაობაზე.
6. კომისიის 2025 წლის 4 სექტემბრის სხდომას არ ესწრებოდა ინდ. მეწარმე „ავთანდილ ეგუტიძე“ ან მისი წარმომადგენელი. ვინაიდან, მას შეტყობინება ჩაბარდა კანონმდებლობით დადგენილი წესით, ასევე, ინდ. მეწარმე „ავთანდილ ეგუტიძის“ მიერ შუამდგომლობა საქმის განხილვის გადადების თაობაზე კომისიაში არ შემოსულა, კომისიის მიერ დაცულია საქართველოს ზოგადი ადმინისტრაციული კოდექსის 95-ე მუხლის მე-2 ნაწილით მისთვის დაკისრებული ვალდებულება - დაინტერესებული პირის ადმინისტრაციულ წარმოებაში მონაწილეობის უზრუნველყოფის თაობაზე. შესაბამისად, კომისიამ საკითხი განიხილა ინდ. მეწარმე „ავთანდილ ეგუტიძის“/მისი წარმომადგენლის დასწრების გარეშე.

## II. მარეგულირებელი კანონმდებლობა

7. „ელექტრონული კომუნიკაციების შესახებ“ საქართველოს კანონის მე-19 მუხლის მე-2 პუნქტის „ბ“ ქვეპუნქტის თანახმად, ავტორიზებული პირი ვალდებულია შეასრულოს ელექტრონული კომუნიკაციების სფეროში საქართველოს კანონმდებლობა, მათ შორის, საქართველოს მთავრობის დადგენილებები, აგრეთვე კომისიის დადგენილებები და გადაწყვეტილებები.
8. „ელექტრონული კომუნიკაციების შესახებ“ საქართველოს კანონის მე-12 მუხლის მე-4 პუნქტის შესაბამისად, რეგულირების საფასურის ოდენობა ავტორიზებული პირის მიერ განხორციელებული და რეგულირებას დაქვემდებარებული საქონლის (მომსახურების) მიწოდების ან/და შესრულებული სამუშაოს მთლიანი ღირებულების (დღგ-ის გარეშე) 0,75 პროცენტი. ავტორიზებული პირები ვალდებული არიან ყოველთვიურად, არა უგვიანეს საანგარიშო თვის მომდევნო თვის 20 რიცხვისა, კომისიის დადგენილებით დამტკიცებული ფორმით წარუდგინონ კომისიას ინფორმაცია გაანგარიშებული რეგულირების საფასურის შესახებ და კომისიის ანგარიშზე ჩარიცხონ რეგულირების საფასური.

9. „რეგულირების საფასურის განსაზღვრისა და გადახდის წესების შესახებ“ კომისიის 2005 წლის 28 ოქტომბრის №12 დადგენილების შესაბამისად, დადგენილია, რომ ელექტრონული კომუნიკაციების სფეროში ავტორიზებული პირები და მაუწყებლობის სფეროში ლიცენზიის მფლობელი/ავტორიზებული პირები ვალდებული არიან ყოველთვიურად, არაუგვიანეს საანგარიშო თვის მომდევნო თვის 20 რიცხვისა, ამ დადგენილებით განსაზღვრული ფორმით (დანართი №1) ელექტრონულად, კომისიის საერთო სტატისტიკური ბაზის (<http://stats.gncc.ge>) ფორმა 1.9-ის (რეგულირების საფასურის გაანგარიშების ფორმა) საშუალებით, წარუდგინონ კომისიას ინფორმაცია საანგარიშო თვის გაანგარიშებული რეგულირების საფასურის თაობაზე და ჩარიცხონ კომისიის ანგარიშზე რეგულირების საფასური.
10. საქართველოს კომუნიკაციების ეროვნული კომისიის 2011 წლის N144/22 გადაწყვეტილების ნაწილობრივ ძალადაკარგულად ცნობისა და სტატისტიკური ანგარიშგების ფორმების დამტკიცების შესახებ“ კომისიის 2016 წლის 11 თებერვლის N95/19 გადაწყვეტილების შესაბამისად, დამტკიცდა ელექტრონული საკომუნიკაციო და სამაუწყებლო დარგების სტატისტიკური ანგარიშგების თანდართული ფორმები (დანართი N1). ასევე, ზემოაღნიშნული გადაწყვეტილებით, ელექტრონული კომუნიკაციების სფეროში ავტორიზებულ/ლიცენზიის მფლობელ ყველა პირს და ასევე ყველა მაუწყებელს დაევალა ამ გადაწყვეტილების N1 დანართით განსაზღვრული სტატისტიკური ანგარიშგების ფორმების ელექტრონულად შევსება და კომისიაში წარმოდგენა ამ ფორმებში მითითებული პერიოდულობით.
11. „ელექტრონული კომუნიკაციების შესახებ“ საქართველოს კანონის 45-ე მუხლის პირველი პუნქტის შესაბამისად, ავტორიზებული პირის მიერ ელექტრონული კომუნიკაციების სფეროში საქართველოს კანონმდებლობის, მათ შორის, კომისიის დადგენილებებითა და გადაწყვეტილებებით განსაზღვრული მოთხოვნებისა და ვალდებულებების, დარღვევის ან/და ლიცენზიის მფლობელის მიერ სალიცენზიო პირობების დარღვევის შემთხვევაში კომისია უფლებამოსილია დამრღვევი წერილობით გააფრთხილოს, ხოლო კომისიის გადაწყვეტილებით დადგენილ ვადაში დენადი ხასიათის დარღვევის აღმოუფხვრელობის ან 1 წლის განმავლობაში ახალი ერთჯერადი ხასიათის დარღვევის ჩადენის შემთხვევაში – დააკისროს ჯარიმა, რომლის ოდენობაა ავტორიზებული პირის ან/და ლიცენზიის მფლობელის ბოლო 12 კალენდარული თვის შემოსავლის (საქართველოს საგადასახადო კოდექსით განსაზღვრული ერთობლივი შემოსავალი დღგ-ის გარეშე) 0,5 პროცენტი, მაგრამ არანაკლებ 3000 და არაუმეტეს 30000 ლარისა.
12. საქართველოს ზოგადი ადმინისტრაციული კოდექსის 76-ე მუხლის პირველი ნაწილის „ბ“ ქვეპუნქტის და „საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-4 მუხლის პირველი პუნქტის „ბ“ ქვეპუნქტის შესაბამისად, კომისიაში ადმინისტრაციული წარმოების დაწყების საფუძველია კომისიისათვის კანონმდებლობით დაკისრებული ვალდებულება ან მინიჭებული უფლებამოსილება - გამოსცეს ადმინისტრაციული აქტი.
13. „საქართველოს კომუნიკაციების ეროვნული კომისიის საქმიანობის მარეგულირებელი წესების დამტკიცების თაობაზე“ საქართველოს კომუნიკაციების ეროვნული კომისიის 2003 წლის 27 ივნისის N 1 დადგენილებით დამტკიცებული „საქართველოს კომუნიკაციების ეროვნული კომისიის საქმიანობის მარეგულირებელი წესების“ (დანართი N1) მე-16 მუხლის მე-5 პუნქტის თანახმად „კომისიის მიერ გაგზავნილი ყოველგვარი შეტყობინება და კომისიის მიერ მიღებული გადაწყვეტილება იგზავნება მატერიალური ან ელექტრონული რეგისტრირებული საფოსტო გზავნილის მეშვეობით. მატერიალური საფოსტო გზავნილი იგზავნება დამტარებლის ან საფოსტო მომსახურების განმახორციელებელი პირის მეშვეობით“, ხოლო ამავე მუხლის მე-9 პუნქტის თანახმად, „კორესპოდენციის ელექტრონული გზავნილით გაგზავნის შემთხვევაში დოკუმენტი ჩაბარებულად ჩაითვლება ადრესატის მიერ მისი მიღების, როგორც პირდაპირ, აქტიურად გამოხატული ქმედებით, ასევე ავტომატური საშუალებით დადასტურების შემთხვევაშიც“.

### III. სამოტივაციო ნაწილი

#### 1. შესწავლილი მტკიცებულებები

14. კომისიის აპარატის ადმინისტრაციის მოხსენებითი ბარათი (N 25-10-1683; 01.08.2025) თანდართული დოკუმენტაციით.
15. კომისიის აპარატის ადმინისტრაციის სამსახურებრივი ბარათი (N 25-10-1886; 01.09.2025) თანდართული დოკუმენტაციით.
16. კომისიის აპარატის ადმინისტრაციის სამსახურებრივი ბარათი (N 25-10-1937; 04.09.2025) თანდართული დოკუმენტაციით.
17. კომისიის შეტყობინება (N გ-25-03/2098; 02/09/2025) ინდ. მეწარმე „ავთანდილ ეგუტიძეს“ კომისიის 2025 წლის 4 სექტემბრის სხდომაზე მოწვევის შესახებ და აღნიშნული შეტყობინების ჩაბარების დამადასტურებელი დოკუმენტაცია.
18. მეწარმეთა და არასამეწარმეო (არაკომერციული) იურიდიული პირების რეესტრიდან და კომისიის ავტორიზებულ პირთა უწყებრივი რეესტრიდან ინდ. მეწარმე „ავთანდილ ეგუტიძის“ შესახებ მონაცემები.

#### 2. დადგენილი ფაქტობრივი გარემოებები

19. ინდ. მეწარმე „ავთანდილ ეგუტიძე“ (ს/კ 60001096927) ელექტრონული კომუნიკაციების სფეროში ავტორიზებული პირია.  
  
მტკიცებულება: მონაცემი კომისიის უწყებრივი რეესტრიდან ინდ. მეწარმე „ავთანდილ ეგუტიძის“ შესახებ.
20. ინდ. მეწარმე „ავთანდილ ეგუტიძე“ კანონმდებლობით დადგენილი ვადის დარღვევით კომისიაში წარმოადგინა 2025 წლის აპრილის, მაისისა და ივნისის თვეების რეგულირების საფასურის გაანგარიშების 1.9 ფორმა. ასევე, ინდ. მეწარმე „ავთანდილ ეგუტიძე“, კანონმდებლობით დადგენილი ვადის დარღვევით კომისიაში წარმოადგინა 2025 წლის აპრილის, მაისის, ივნისისა და ივლისის თვეების სტატისტიკური ანგარიშგების 1.1 ფორმა (შემოსავლის თაობაზე).  
  
მტკიცებულება: კომისიის აპარატის ადმინისტრაციის მოხსენებითი (N 25-10-1683; 01.08.2025) და სამსახურებრივი (N 25-10-1886; 01.09.2025 და N 25-10-1937; 04.09.2025) ბარათები თანდართული დოკუმენტაციით.
21. ინდ. მეწარმე „ავთანდილ ეგუტიძეს“ კომისიაში გადაწყვეტილების მიღების დღისთვისაც არ წარმოუდგენია 2025 წლის აპრილის, მაისის, ივნისისა და ივლისის თვეების სტატისტიკური ანგარიშგების შემდეგი ფორმები: ფორმა 4.1 - მონაცემთა გადაცემა/ინტერნეტი, ფორმა 4.2 - მონაცემთა გადაცემა/ინტერნეტი - აბონენტები კვარტალში (2025 წლის II კვარტალი), ფორმა 5.4 - საბითუმო ინტერნეტის შესყიდვა/გაყიდვა.  
  
მტკიცებულება: კომისიის აპარატის ადმინისტრაციის მოხსენებითი (N 25-10-1683; 01.08.2025) და სამსახურებრივი (N 25-10-1886; 01.09.2025 და N 25-10-1937; 04.09.2025) ბარათები თანდართული დოკუმენტაციით.
22. ინდ. მეწარმე „ავთანდილ ეგუტიძის“ მიმართ ბოლო ერთი წლის განმავლობაში პასუხისმგებლობის არცერთი სახე მსგავსი/ანალოგიური დარღვევისათვის გამოყენებული არ ყოფილა.  
  
მტკიცებულება: მონაცემი კომისიის უწყებრივი რეესტრიდან ინდ. მეწარმე „ავთანდილ ეგუტიძის“ შესახებ.

### 3. სამართლებრივი შეფასება

23. საქართველოს კანონმდებლობის მიხედვით, ინდ. მეწარმე „ავთანდილ ეგუტიძე“, როგორც ელექტრონული კომუნიკაციების სფეროში ავტორიზებული პირი ვალდებული იყო ყოველთვიურად, არაუგვიანეს საანგარიშო თვის მომდევნო თვის 20 რიცხვისა, ელექტრონულად, კომისიის საერთო სტატისტიკური ბაზის ფორმა 1.9-ის საშუალებით, წარმოედგინა კომისიისთვის ინფორმაცია საანგარიშო თვის გაანგარიშებული რეგულირების საფასურის თაობაზე, ასევე, შეეცხო სტატისტიკური ანგარიშგების ფორმები და ელექტრონულად კომისიაში წარმოედგინა ამ ფორმებში მითითებული პერიოდულობით.
24. კომისიის მიერ დადგინდა, რომ ინდ. მეწარმე „ავთანდილ ეგუტიძემ“ კანონმდებლობით დადგენილი ვადის დარღვევით კომისიაში წარმოადგინა 2025 წლის აპრილის, მაისისა და ივნისის თვეების რეგულირების საფასურის გაანგარიშების 1.9 ფორმა და 2025 წლის აპრილის, მაისის, ივნისისა და ივლისის თვეების 1.1 ფორმა (შემოსავლის თაობაზე). ასევე, დადგინდა, რომ ინდ. მეწარმე „ავთანდილ ეგუტიძეს“ კომისიაში არ წარმოუდგენია 2025 წლის აპრილის, მაისის, ივნისისა და ივლისის თვეების სტატისტიკური ანგარიშგების შემდეგი ფორმები: ფორმა 4.1 - მონაცემთა გადაცემა/ინტერნეტი, ფორმა 4.2 - მონაცემთა გადაცემა/ინტერნეტი - აბონენტები კვარტალში (2025 წლის II კვარტალი), ფორმა 5.4 - საბითუმო ინტერნეტის შესყიდვა/გაყიდვა.
25. ზემოაღნიშნულიდან გამომდინარე, ინდ. მეწარმე „ავთანდილ ეგუტიძის“ მიერ დარღვეულია „ელექტრონული კომუნიკაციების შესახებ“ საქართველოს კანონის მე-12 მუხლის მე-4 პუნქტი, მე-19 მუხლის მე-2 პუნქტის „ბ“ ქვეპუნქტი, „საქართველოს კომუნიკაციების ეროვნული კომისიის 2011 წლის N144/22 გადაწყვეტილების ნაწილობრივ ძალადაკარგულად ცნობისა და სტატისტიკური ანგარიშგების ფორმების დამტკიცების შესახებ“ კომისიის 2016 წლის 11 თებერვლის N95/19 გადაწყვეტილება და „რეგულირების საფასურის განსაზღვრისა და გადახდის წესის შესახებ“ კომისიის 2005 წლის 28 ოქტომბრის N12 დადგენილება.

### 4. პასუხისმგებლობა და ვალდებულებები

26. აღსანიშნავია, რომ ინდ. მეწარმე „ავთანდილ ეგუტიძის“ მიმართ ბოლო ერთი წლის განმავლობაში პასუხისმგებლობის არცერთი სახე მსგავსი/ანალოგიური დარღვევისათვის გამოყენებული არ ყოფილა. შესაბამისად, „ელექტრონული კომუნიკაციების შესახებ“ საქართველოს კანონის 45-ე მუხლის პირველი პუნქტის თანახმად, ამავე კანონის მე-12 მუხლის მე-4 პუნქტის, მე-19 მუხლის მე-2 პუნქტის „ბ“ ქვეპუნქტის, „საქართველოს კომუნიკაციების ეროვნული კომისიის 2011 წლის N144/22 გადაწყვეტილების ნაწილობრივ ძალადაკარგულად ცნობისა და სტატისტიკური ანგარიშგების ფორმების დამტკიცების შესახებ“ კომისიის 2016 წლის 11 თებერვლის N95/19 გადაწყვეტილებისა და „რეგულირების საფასურის განსაზღვრისა და გადახდის წესის შესახებ“ კომისიის 2005 წლის 28 ოქტომბრის N12 დადგენილების დარღვევისათვის ინდ. მეწარმე „ავთანდილ ეგუტიძეს“ უნდა მიეცეს წერილობითი გაფრთხილება.
27. ამასთან, ინდ. მეწარმე „ავთანდილ ეგუტიძეს“ უნდა დაევალოს 2025 წლის აპრილის, მაისის, ივნისისა და ივლისის თვეების სტატისტიკური ანგარიშგების შემდეგი ფორმების: ფორმა 4.1 - მონაცემთა გადაცემა/ინტერნეტი, ფორმა 4.2 - მონაცემთა გადაცემა/ინტერნეტი - აბონენტები კვარტალში (2025 წლის II კვარტალი), ფორმა 5.4 - საბითუმო ინტერნეტის შესყიდვა/გაყიდვა კომისიაში წარმოადგენა გადაწყვეტილების ძალაში შესვლიდან 10 სამუშაო დღის ვადაში.

### IV. სარეზოლუციო ნაწილი

„ელექტრონული კომუნიკაციების შესახებ“ საქართველოს კანონის მე-12 მუხლის მე-4 პუნქტის, მე-19 მუხლის მე-2 პუნქტის „ბ“ ქვეპუნქტის, 45-ე მუხლის პირველი პუნქტის, საქართველოს ზოგადი ადმინისტრაციული კოდექსის მე-13, 53-ე, 54-ე, 76-ე მუხლის, 95-ე, 96-ე, 97-ე, 98-ე, 99-ე მუხლებისა

და VII თავის, კომისიის 2003 წლის 27 ივნისის N1 დადგენილებით დამტკიცებული „საქართველოს კომუნიკაციების ეროვნული კომისიის საქმიანობის მარეგულირებელი წესების“ მე-4 მუხლის პირველი პუნქტის „ბ“ ქვეპუნქტის და 36-ე მუხლის მე-13 და მე-14 პუნქტების, მე-16 მუხლის მე-5 და მე-9 პუნქტების, „საქართველოს კომუნიკაციების ეროვნული კომისიის 2011 წლის N144/22 გადაწყვეტილების ნაწილობრივ ძალადაკარგულად ცნობისა და სტატისტიკური ანგარიშგების ფორმების დამტკიცების შესახებ“ კომისიის 2016 წლის 11 თებერვლის N95/19 გადაწყვეტილებისა და „რეგულირების საფასურის განსაზღვრისა და გადახდის წესის შესახებ“ კომისიის 2005 წლის 28 ოქტომბრის N12 დადგენილების საფუძველზე, კომისიამ, კენჭისყრის შედეგად, ერთხმად,

### გ ა და წ ვ ც ი ტ ა :

1. ინდ. მეწარმე „ავთანდილ ეგუტიძეს“ მიეცეს წერილობითი გაფრთხილება „ელექტრონული კომუნიკაციების შესახებ“ საქართველოს კანონის მე-12 მუხლის მე-4 პუნქტის, მე-19 მუხლის მე-2 პუნქტის „ბ“ ქვეპუნქტის, „საქართველოს კომუნიკაციების ეროვნული კომისიის 2011 წლის N144/22 გადაწყვეტილების ნაწილობრივ ძალადაკარგულად ცნობისა და სტატისტიკური ანგარიშგების ფორმების დამტკიცების შესახებ“ კომისიის 2016 წლის 11 თებერვლის N95/19 გადაწყვეტილებისა და „რეგულირების საფასურის განსაზღვრისა და გადახდის წესის შესახებ“ კომისიის 2005 წლის 28 ოქტომბრის N12 დადგენილების დარღვევის გამო.
2. ინდ. მეწარმე „ავთანდილ ეგუტიძეს“ დაევალოს 2025 წლის აპრილის, მაისის, ივნისისა და ივლისის თვეების სტატისტიკური ანგარიშგების ფორმა 4.1-ის (მონაცემთა გადაცემა/ინტერნეტი), ფორმა 4.2-ის (მონაცემთა გადაცემა/ინტერნეტი - აბონენტები კვარტალში (2025 წლის II კვარტალი)), ფორმა 5.4-ის (საბითუმო ინტერნეტის შესყიდვა/გაყიდვა) შევსება და კომისიაში წარმოდგენა გადაწყვეტილების ძალაში შესვლიდან 10 სამუშაო დღის ვადაში.
3. გადაწყვეტილება ძალაში შედის კომისიის ოფიციალურ ვებგვერდზე ([www.comcom.ge](http://www.comcom.ge)) გამოქვეყნებისთანავე.
4. დაევალოს კომისიის აპარატის ადმინისტრაციას (ბ. გასვიანი) წინამდებარე გადაწყვეტილების ინდ. მეწარმე „ავთანდილ ეგუტიძისთვის“ დაუყოვნებლივ გაგზავნა და კომისიის ოფიციალურ ვებგვერდზე ([www.comcom.ge](http://www.comcom.ge)) გამოქვეყნება.
5. გადაწყვეტილება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით აღმაშენებლის ხეივანი №64) გადაწყვეტილების ან მისი დამოწმებული ასლის ინდ. მეწარმე „ავთანდილ ეგუტიძისთვის“ ჩაბარებიდან ერთი თვის ვადაში.
6. დაევალოს კომისიის აპარატის იურიდიულ დეპარტამენტს (მ. რუხაძე) ინდ. მეწარმე „ავთანდილ ეგუტიძისთვის“ ადმინისტრაციული პასუხისმგებლობის დაკისრების თაობაზე მონაცემის კომისიის უწყებრივ რეესტრში შეტანა.
7. გადაწყვეტილების შესრულებაზე კონტროლი (გარდა გადაწყვეტილების სარეზოლუციო ნაწილის მე-6 პუნქტისა) დაევალოს კომისიის აპარატის ადმინისტრაციას (ბ. გასვიანი).

კახი ბექაური

თავმჯდომარე

ვახტანგ აბაშიძე

წევრი

ეკატერინე იმედაძე

წვერი

ნათია კუკულაძე

წვერი

ივანე მახარაძე

წვერი

*Handwritten signatures in blue ink:*  
1. Top signature: ეკატერინე იმედაძე  
2. Middle signature: ნათია კუკულაძე  
3. Bottom signature: ივანე მახარაძე

